



Khutba Jummah

HAZRAT MUHYI-UD-DIN AL-KHALIFATULLAH

Munir Ahmad Azim

01 Juillet 2016 ~
(25 Ramadan 1437 AH)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'Islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite cause lor le sujet « La Nuit du Destin: Signification & Conditions »:

LA NUIT DU DESTIN: SIGNIFICATION & CONDITIONS

Lailat-ul-Qadr (La Nuit du Destin) mentionné dans Quran Shareef dans Chapitre 97. Là-dans Allah (swt) mentionne couma le Quran fine révélé pendant ene telle la nuite.

إِنَّا أَنْزَلْنَاهُ فِي لَيْلَةِ الْقَدْرِ

'INNAAA 'ANZALNAHU FII LAY-LATIL-QADR.

« Vraiment, Nous fine fer li (le Quran) déssane pendant la Nuit du Destin. »

(Al-Qadr 97: 2).

Pareil couma mo fine dire zot vendredi dernier, sa la nuit là, d'après Quran Shareef li vaut plus ki mille mois de bénédictions. C'est ene la nuit parmi bane dix derniers la nuites impaires de Ramadhan kot bane anges déssane, ainsi ki l'Ange de la Révélation pour répanne la paix et le salut ki vine de côté d'Allah, ziska le lever du soleil. Sa bénédiction divine là li répandu dans ene la nuite lor bane adorateurs sincères d'Allah, et bane ki repentant pour zot bane fautes et péchés ki zot fine faire dans le passé. La question ki posé, c'est pourquoi LA NUITE et non pas LI ZOUR. Parski Allah (swt) mentionne clairement ki So bane faveurs et même bane anges déssane pendant ene telle LA NUITE.

La nuit en générale li ene source de paix pour ene croyant ki attaché avec la prière (*Salaat/Namaz, duahs* etc.). Li aussi ene source de mystère et de surprise. Ena même ene *Hadith Qudsi* (Révélation Divine ki fine rapporté par la bouche du Messager d'Allah) ki dans dernier partie de la nuit, Allah déssane vers lé ciel le plus bas et cherche So bane adorateurs sincères ki dans *Ibaadat (Namaz, duahs* etc.) pour accorde zot le pardon.

La Nuit du Destin fine reste couma ene secret ki vine de côté d'Allah pour celui ki oulé à tout prix recevoir bénédiction constante de mille mois. Sa la nuit là li bien spéciale et li destiné pou profite à tous bane croyants ki ena la foi sincère dans Allah, l'Unique, bane ki volontiers accepter pou délaisse zot lili pour ki zot prosterner devant Allah dans *Namaz*. Sa la Nuit d'*Al-Qadr* là, ki en fait ene la nuit de détermination fine révélé au Saint Prophète Muhammad (saws), mais sa connaissance là fine enlever de li.

Pour bane ki néglize le souvenir (*Zikr*) d'Allah, le fait pou conne date exacte d'ene telle la nuit pou synonyme de manquement pour bane tels dimounes pareil. Si arriver zot ti conne date exacte de *Lailat-ul-Qadr*, zot ti pou presser pou alle passe la nuit dans *duahs* et *Namaz* et après ki sa la nuit là fine passé, zot néglize le souvenir d'Allah pour le reste de l'année.

C'est ene consta ki le *Lailat-ul-Qadr* li différent pour sak musulman (ki soumette à Allah). Sakaine recevoir ene type de *Lailat-ul-Qadr* dans façon ki Allah oulé béni li, et accorde li bane faveurs et bénédictions de sa la nuit là.

Ene croyant sincère li faire li ene devoir pou reste en retraite pendant bane dix derniers jours de Ramadhan afin ki li capave témoigne d'ene telle la nuit de gloire et de félicité. Celui ki réussi trouve ene telle la nuit, li ene dimoune vraiment heureux, parski la Nuit du Destin li ene promesse de pardon pour sa dimoune là tous so bane péchés et faiblesses ki li fine ena avant. Li veut dire aussi pour ene croyant sincère ki Allah fine accorde li So Miséricorde, ene telle Miséricorde ki pou durer pour tout so la vie, à condition ki li pas glisser de so bane obligations envers Allah (swt) et ki li reste toujours fidèle et sincère envers Li.

Li ti pou trop beau pou dire et affirmer ki ene musulman ki alle en retraite dans Masjid ou dans ene coin de so la caze et ki accompli bane *Ibaadat* en excès afin pou recevoir bane bénédictions promis de mille mois, ki li pou recevoir certainement so récompense aussi facilement ; alor sa, li pas dans nous capacité pou affirme sa. Même si nous affirme sa, mais le fait resté ki Allah (swt) fine place certains conditions pou sa pareil couma mo fine mentionner avant. Celui ki néglize la prière et bane bonnes actions pendant toute l'année et ki reste éveillé pendant sa la nuit là en croyant ki li pou être pardonné, alor sa dimoune là li très loin de sa ki Allah fine ordonné et promette. Si li faire sa pour ene sel la nuit, et ensuite après fête d'Eid, li rétombe dans so décadence spirituelle, alors sa la nuit en prière là li en aucaine cas ene promesse et fondation

de pardon pour li parski li pas fine honore so lien d'appartenance avec Allah (swt) ki seul bane croyants sincères ena avec zot Créateur.

La Nuit d'*Al-Qadr* li synonyme de beauté spirituelle pour celui ki conne profite d'ene telle la nuit et ki prêt pou sacrifier so la vie entier pour So Créateur. C'est lor sa type de dimoune là ki bane anges déssane afin pou illumine li de la clairvoyance spirituelle ki vine de so *Rab* (Seigneur). La révélation, en forme de bane visions et zoli rêves, vine de Celui ki infiniment Rempli de Grâce et zot accordé à bane croyants ki fidèles et sincères (envers Allah, envers zot la foi). Zot sacrifice pour la cause d'Allah pendant soit toute l'année, soit pendant mois *Roza* (carême) zot accepté par Allah. Allah (swt) fine affirme à So bane serviteurs ki prié Li avec dévotion:

« **En vérité, promesse Allah vrai.** » (Younous 10: 56).

De ce fait, *Insha-Allah*, sakaine parmi nous bizin saisir de sa occasion béni par Allah (swt) là afin pou recevoir Allah (swt) Li-même comme récompense, parski pas exister ene l'autre pli zoli récompense ki nous *Rab*, Allah (swt), Qui possède la Majesté et la Gloire.

Ki Allah gagne pitié de nous et enrichi nous de So bane faveurs et pardonne nous, nous bane excès. *Ameen*.